

大中祥符法寶錄

卷八
卷十
卷十一

二

大中祥符法寶錄卷第八

跡

譯經潤本推誠德著錄字樣全於書長部侍郎兼掌印圖書印信官王曾奉旨校對

翰林學士通奉太師書印部郎知制誥同脩國史劉奎翰事唐國公孫國快食邑五百戶

勅編修

別明 聖代翻宣錄中之七

藏乘區別年代指明二之六

二年七月譯成經律集一十二卷

帝釋般若波羅蜜多心經一部一卷

大乘經藏秘密部收佛在王

舍城鷲峯山說此中所明佛

爲帝釋說般若波羅蜜多甚
深之義非一非異亦非斷常
去來等相乃至五蘊六度十
八空等亦非一異斷常等相
義括塵沙性融真界後說神
呪般若心明是無上明攝諸
勝用然與諸法非即非離混
入諸法妙真常門揔攝一切
神通勝用

徧照般若波羅蜜多經一部一卷

大 中 祥 符 法 寶 錄 卷 第 八

法寶錄第八

第二張

跡字号

大乘經藏秘密部收佛在他
化自在天宮爲金剛手等說
諸菩薩清淨法門又說秘密
吽字義門攝一切法又說二
十五種秘密法門大明呪句
如是印呪破一切罪作諸吉
祥又說得聞此經一四句偈
聖賢衛護命終得生十方淨
土乃至獲諸勝妙功德此之

大旨者廣顯菩薩清淨法門
謂即微妙秘密卽字此字乃
入智用之門警悟一切瑜伽
行者令得秘密相應故也
五十頌聖般若波羅蜜多經一
部一卷

大乘經藏收佛在王舍城鷲
峯山說佛語須菩提若諸異
生及聲聞緣覺受持此經者
速成正等覺以三乘法平等

大 中 祥 符 法 寶 錄 卷 第 八

一如乃至六度十八種空三
十七品菩提分等諸法無異
如是知者而速成就阿耨菩
提此之大旨者般若能生彼
一切法般若平等住一如故
諸法亦住平等一如如是知
者速得證悟故也

法寶錄第八

第三張

跡字号

四無所畏經一部一卷

大乘經藏收佛在舍衛國祇

樹給孤獨園說此中所明如
來成就四無所畏能轉法輪
乃爲廣陳四無畏義又說曾
於八大衆中得無所畏

大乘戒經一部一卷

大乘律藏收佛在舍衛國祇
樹給孤獨園說此中所明諸
苾芻等求解脫者寧捨身命
不壞律儀破毀者沈淪惡道
守護者當得見佛又毀戒者

如無目人對鑑亦然意令苾芻奉持戒律出離輪迴斷諸深因趣成佛果者也

聖最勝陀羅尼經一部一卷

大乘經藏秘密部收佛在波羅鉢多國星左大城虞彌曩精舍說此中所明有一苾芻出星左城於其中路逢一大人知是文殊因問所從文殊具荅閻浮衆生當有種種風

廣等病及諸災沴爲阿修羅

法寶錄第八

第四張

跡字号

及惡鬼神之所嬈亂卽爲宣
說最勝大明祕密呪句若誦
一徧或復五徧災病悉除此
乃文殊菩薩悲愍惡世一切
衆生宣說此明令其持誦俾
得拔除諸苦者也

聖六字增壽大明陀羅尼經一

部一卷

大 中 祥 符 法 寶 錄 卷 第 八

大乘經藏秘密部收佛在舍
衛國祇樹給孤獨園說此中
所明阿難有疾佛爲宣說六
字大明使令受持消除疾苦
又復此明增益壽命而此呪
者有六威德大師同共宣說
又以呪言呪線繫患人手令
得安隱山可令動海可使竭
說此呪明故不虛妄也

增慧陀羅尼經一部一卷

大乘經藏秘密部收析出別
譯此中所明大慧菩薩爲童
子相菩薩宣說明句欲令世
間諸愚癡者依法誦此陀羅
尼故於六月中即獲聰利儻

法寶錄第八

第五張

跡字号

信發一念乃報起多門顯此

呪明有大功力

諸佛經一部一卷

大乘經藏收佛在王舍城鷲

大 中 祥 符 法 寶 錄 卷 第 八

峯山說此中所明目連運通
往色究竟天問彼天人何時
有佛出世成道有百天衆同
答目連經百千劫佛出成道
目連離彼還至佛所請問前
事佛言彼天知見甚少答汝
之言未可深信佛因廣談多
佛出世利生說法乃至彼一
一佛成正覺尊歷無數劫我
今成佛劫數甚多此之大旨

者因目連之現通舉往事而
伸問還以白佛方決其意乃
顯如來了達三世悉無礙也
大乘舍黎娑檐摩經一部一卷
大乘經藏收佛在王舍城鷲
峯山說此中所明佛語芟削
若於十二緣生而能見了是
名見法以見法故即名見佛
舍利子聞不能解了因即往

大 中 祥 符 法 寶 錄 卷 八

問慈氏菩薩慈氏初即略說
緣生名相及八正道後復廣
明緣生之義又說六界無我
等相若有能觀十二緣者名
爲正觀是即正慧了三世法
悉無去來乃至當爲授菩提記
一切如來說佛頂輪王一百八
名讚一部一卷
聖多羅菩薩梵讚一部一卷
並西方聖賢集收
上一十二部並中天竺

梵本所出

聖教右經律集三藏沙門施護
譯法賢證梵義法天證梵
文沙門清沼惟淨筆受沙
門慧達智遜綴文沙門惠
溫守巒慧超守遵道文歸
省雲勝全永證義太僕少
卿張洎潤文殿頭高品楊
繼詮供奉官張美監譯是
月十日監使引三藏等詣

大 中 祥 符 法 寶 錄 卷 第 八

崇政殿捧所譯經具表

上進其詞曰臣施護等言

臣等今譯就帝釋般若波

法寶錄第八

第七張

跡字五

羅蜜多心經等一十二部
一十二卷或宣般若或顯
摠持標帝釋者秉智炬之
大天稱徧照者破有暗之
勝用談乎空理得空中之
不空示彼密因即密中之

深密自在天上讚六字神
功給孤園中演七支戒體
性異于根莖枝葉味分於
酥酪醍醐始自一音應乎
品類允屬
承平之運更崇化度之門
伏惟
應運統天睿文英武大聖
至明廣孝皇帝陛下德被
四天